

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 22. stav (5) Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17, 19/17), člana 35. stav (1) Uredbe o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo", broj 52/18) Vlada Kantona Sarajevo, na 43. sjednici održanoj 26.11.2020. godine, donijela je

ODLUKU

O IZMJENI ODLUKE O CIJENAMA KORIŠTENJA JAVNIH PARKINGA

I

U odluci o cijenama korištenja javnih parkinga ("Službene novine Kantona Sarajevo", broj 26/19), tačka I mijenja se i glasi:

"I

Cijena parkiranja sastoji se iz:

- 1) troškova pružanja komunalne usluge kontrole i naplate parkiranja od strane davaoca komunalne usluge;
- 2) troškova održavanja javnih parkinga pod rampom od strane davaoca komunalne usluge;
- 3) troškova amortizacije stalnih sredstava postavljenih na javnim parking površinama u vlasništvu davaoca komunalne usluge;
- 4) troškova amortizacije stalnih sredstava postavljenih na javnim parking površinama i infrastrukturnog komunalnog sistema, odnosno dobara u općoj upotrebi koji su u vlasništvu Ministarstva;
- 5) naknade za unapređenje i investiciono održavanje javnih parkinga od strane Ministarstva.

U cijenu usluge parkiranja uračunat je PDV.

Nakon plaćanja PDV-a preostali iznos dijeli se tako da davaocu komunalne usluge pripada 60%, a Ministarstvu 40% sredstava."

II

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-04-47441-6/20
26. novembra 2020. godine
Sarajevo

Premijer
Mario Nenadić, s. r.